

ՇԱՄԱԽՈՒ ԳԱՎԱՌԻ ԳՅՈՒՂՆԵՐԻ ՊԱՏՄՈՒԹՅՈՒՆՆԵՑ

Ս. Գ. ԿԱՐԱՊԵՏՅԱՆ

Պատմական Շամախին (Շիրվանը) իր համանուն գավառով հնագույն ժամանակներից հայարնակ է եղել. «Հայ գյուղերը Շամախվո շրջակայքում գոյություն ունին շատ հնուց, տասնյակ դարեր առաջ...»¹: Միջնադարում գավառի տարածքում ծաղկուն էին ավելի քան 200 հայաբնակ շենքեր, որոնք քիչ կորուստներ տալով դիմացան ու հասան մինչև XVIII դ. առաջին քառորդը, երբ մահմեդական իշխողները, օգտվելով քաղաքական անկայուն իրավիճակից, սկսեցին սաստկացնել կրոնական հալածանքները և բռնի մահմեդականացումը: Դրան հետևեց շատ գյուղերի ամայացումն ու բնակչության փրկված մասի արտագաղթը (գլխավորապես Հյուսիսային Կովկաս, հատկապես Ղլար, Մոզդուկ, Աստրախան): Զգալի թվով գյուղացիներ, հալածանքներից ու բնաջնջումից աղատվելու հույսով, ուրացան քրիստոնեությունը և ընդունեցին մահմեդականություն: Միաժամանակ գտնվեցին գյուղեր, որոնց բնակիչները կենաց-մահու հերոսական անհավասար պայքարի շնորհիվ կարողացան պահպանել հարազատ կրոնն ու ազգային նկարագիրը:

Ցարական տիրապետության հաստատման շրջանում գավառի տարածքում մնացել էին մոտ 50 հայաբնակ գյուղեր: XIX դ. երկրորդ կեսից սկսած մինչև 1918 թ. Շամախու գավառի բոլոր գյուղերը ապրում էին նկատելի աշխույժ կյանքով, սակայն 1918—20 թթ. ընթացքում օսմանյան և մուսավաթական բանդաների համատեղ ջանքերով կազմակերպված հայերի կոտորածներից հետո իսպառ ու անդարձ հայաթափ դարձավ շենքերի մեծագույն մասը:

Ներկայումս քիչ թվով գյուղեր դեռևս ունեն փոքրաթիվ հայ բնակչություն: Հին Շամախու գավառի տարածքում այժմ կազմավորված են վարչական մի քանի շրջաններ (Իսմայիլի, Աղսու, Շամախի): Ներկայացնենք Աղսուի վարչական շրջանի տարածքում պահպանված ներկայիս ու նախկին հայկական գյուղերն ու մշակույթի հուշարձանները: Աղսուի շրջանը կազմավորվել է 1943 թ. հոկտեմբերի 8-ին: Այն սահմանակից է Շամախու, Քյուրդամիրի և Իսմայիլիի շրջաններին: Զբաղեցնում է 1020 ֆկմ տարածք: Բնակչությունը՝ 46500 մարդ (1976, հունվարի 1)², որից միայն շուրջ 1000-ը հայեր են: Ունի մեկ քաղաք (Աղսու շրջկենտրոնը) և 79 գյուղ: Մինչև 1918 թ. շրջանի ներկայիս տարածքի հյուսիսային՝ նախալեռնային գոտում հայաբնակ էին 6 գյուղեր. Գյուրջևան, Հնդար, Գյուրդա, Քոհլուճ, Նորշեն և Թալիշ: Սրանցից որևէ մեկի հիմնադրման ժամանակաշրջանի վերաբերյալ տեղեկություններ չեն պահպանվել, սակայն տեղերում առկա հայկական պատմաճարտարապետական հուշարձանները դրանց պատմությունը տալիս են դարերի խորքը: Ավելի աղքատիկ են գրավոր աղբյուրներն ու հիշատակությունները: Սրանց փոխարեն անհամեմատ առատ են արխիվային վավերագրերը, որոնց հիմնական մասը վերաբերում է XIX դարին: Վերջիններիս շարքում թերևս մեծ արժեք ունի 1796 թ. մի վավերագիր, որ երկրամասի հայաբնակ շատ գյուղերի թվում հիշված են նաև Գյուրդա, Անգար (Հնդար),

¹ Հայաստանի պետական կենտրոնական պատմական արխիվ (այսուհետև՝ ՀՊԿԱ), ֆ. 237, ք. 1, դ. 639, թ. 37.

² Ադրբեջանական Խորհրդային Հանրադիտարան (ադրբեջաներեն), հ. 1, Բաքու, 1976, էջ 112:

Ընգրքենդ (նորշեն) և Գորշյուան (Գյուրջևան) գյուղերը³։ Վիճակագրական տվյալների համադրումն ու ուսումնասիրումը ցույց է տալիս, որ ամբողջ XIX դարում առավել բաղմամարդ էին Գյուրջևան և Հնդար գյուղերը, ապա Քոհլուճը և մյուսները։

Նշված վեց գյուղերում բնակչության աճի փոփոխությունները XIX—XX դդ. ունեն հետևյալ պատկերը.

Տարեթիվ	Գյուրջևան		Հնդար		Քոհլուճ		Գյուրդա		Նորշեն		Խալիշ	
	տղ.Ն	բնակիչ	տղ.Ն	բն.	տղ.Ն	բն.	տղ.Ն	բն.	տղ.Ն	բն.	տղ.Ն	բն.
1861 ⁴	120		101		31		17		8		15	
1875 ⁵	175		100		61		26				63	
1887 ⁶	240		131		52		30		16		18	
1890 ⁷	242	1225	131	701	52	357	30	150	16	76	18	75
1901 ⁸		1542		946		173		135		110		67
1902 ⁹		1770		978		388		138		110		69
1905 ¹⁰		1881		1005		412		148		112		72
1907 ¹¹		1624		1123		426				90		
1908 ¹²		1767		1005		455		151		112		73
1909 ¹³	293	1636	135	918	72	537	33	184	19	116	4	24
1912 ¹⁴	320	1841	135	1050	72	405	28	160	19	118	4	77
1914 ¹⁵		1743		1018				169		136		
1961 ¹⁶		726										
1986 ¹⁷		546		176		56		42		17		

Անմար-
դարեակ

Բացի նշված հայաբնակ գյուղերից, ներկայիս Աղսուի շրջանի հյուսիսային մասում՝ նախալեռնային գոտում, կան նաև մի քանի դավանափոխ հայերի գյուղեր (այժմ համարվում են ադրբեջանցիներ), որոնցում կամ դրանց շրջակայքում ևս պահպանվել են հայ մշակույթի հուշարձաններ (օրինակ՝ Գյանդիսան, Քյալվա և այլ գյուղերում)։ 1988 թ. այս գյուղերի հայ բնակչու-

³ История, география и этнография Дагестана на XVIII—XIX вв., под ред. М. О. Ковсена и Х. М. Хашаева, М., 1958, с. 167.

⁴ Մ. Սմբատյան, Նկարագիր սուրբ Ստեփանոսի վանաց Սողիանի և մյուս վանորենից և ուխտատեղաց ևս և բաղարացն և գյուղորենից, որք ի Շամախի թեմի, Տփլիս, 1996, էջ 139.

⁵ Сборник сведений о Кавказе. Очерк виноделия Кавказа т. III, Тифлис, 1875, с. 442, 460, 462.

⁶ Հովհով, ֆ. 56, ց. 4, գ. 104, թ. 33.

⁷ Մ. Սմբատյան, նշվ. աշխ., էջ 139.

⁸ Հովհով, ֆ. 56, ց. 1—2, գ. 205, թ. 276—282.

⁹ Հովհով, ց. 1, գ. 10044, թ. 153—159.

¹⁰ Հովհով, գ. 10403, թ. 170—172.

¹¹ Հովհով, գ. 240, թ. 6.

¹² Հովհով, գ. 10837, թ. 186—188.

¹³ Հովհով, ֆ. 57, ց. 2, գ. 1835, թ. 15—16.

¹⁴ Հովհով, գ. 1921, թ. 13.

¹⁵ Кавказский календарь на 1915 г., Тифлис, 1914, с. 110—129.

¹⁶ Ադրբեջանական հորհրդային Հանրապետության, հ. 6, Բաքու, 1962, էջ 127.

¹⁷ Տվյալները վերցրել ենք տեղում՝ գյուղատնտեսական մատյաններից։

թյունը մեծ մասամբ բռնել է արտագաղթի ճամփան, գլխավորապես դեպի Հեկէ՛ն: Ներկայումս գյուղերում բնակվում են սակավաթիվ հայեր: Արտագաղթը շարունակվում է:

Գլուխը: Այս գյուղը իր աշխարհագրական բարենպաստ դիրքի շնորհիվ ինչպես հնում, այնպես էլ այժմ մի շարք գյուղերի համար հանգուցակետ է: Այստեղ են խաչվում Գյուրդա-Հնդարից, Գյանդխան-Նորշենից, Քոհուճից եկող և ապա դեպի հարավ՝ շրջկենտրոն տանող (13 կմ) ճանապարհները: Այս հանգամանքը դրական նշանակություն է ունեցել գյուղի բնակչության արագ աճի ու ավելացման համար: Եվ պատահական չէ, որ ծխերի թվով Գյուրդեանը միշտ էլ գերազանցել է հարևան գյուղերին: Գյուղի վիճակագրությունը վերաբերող մեղ հանդիպած ամենահին վկայությունները XIX դ. կեսերից են: Հայտնի է, որ 1853 թ. այն ուներ 100 տուն հայ բնակչություն¹⁸: Գյուրդեանի բնակչության թվաքանակը անընդմեջ աճել է մինչև 1918 թ., երբ երկրամասի հայաբնակ տասնյակ այլ գյուղերի օրինակով այն ևս մեծ կորուստներ տվեց օսմանյան և մուսավաթական թուրքերի հարձակումների հետևանքով:

Հետագոտողները գյուղի բնակչության տեղաբնիկության հարցի կապակցությամբ տարբեր կարծիքներ են հայտնել: Խնդրին առաջինը անդրադարձել է Ս. Զալալյանը, նշելով՝ «Այսոքիկ գյուղորայք հին են, և բնակիչքն բնիկ շամախեցիք...»¹⁹: Ա. Բարխուտարյանը գրում է. «Բնակչաց մի մասն նախ Արցախի խաչեն և Զրաբերդ գավառներից գաղթած են Կախեթի կողմերն և ապա Կախեթից գյուղս, վասն որո անվանված է Կուրջիվան: Եվ մյուս մասն գաղթած է Դիզակ գավառի Հատրութ և Դող գյուղերից և Վարանդա գավառի Հիրհեր, Դուղի-ճարտար և Կյունի-ճարտար գյուղերից: Իսկ ամենափոքր մասն եղած է բնիկ տեղացիք»²⁰: Մ. Սմբատյանը ուղղակի գրում է. «Գյուրջիվանցիք և Գյուրջիլարցիք գաղթած են Վրաստանից 1820»²¹:

Ակնհայտ է, որ 1850-ական թվականներին գյուղ այցելած Ս. Զալալյանը չէր կարող ընդամենը 30 տարի առաջ գյուղում հաստատված բնակչությանը բնիկ համարել: Ավելի հավանական է, որ Մ. Բարխուտարյանին և Մ. Սմբատյանին այդպիսի ենթադրության համար հիմք է ծառայել գյուղի՝ Գյուրդեան (գյուրջի-վրացի, Գյուրջիստան-Վրաստան) անվանումը: Մյուս կողմից, գյուղում պահպանված հայկական հուշարձանները դարերի խորքն են գնում, և այդպիսով վերահաստատվում է Ս. Զալալյանցի վկայությունը: Ինչ վերաբերում է Արցախի Վարանդա և Դիզակ գավառների նշված մի քանի գյուղերից արտագաղթած և տեղում հաստատված հայ բնակչությանը, ապա այդպիսի համալրում ստացել են նաև երկրամասի շատ այլ հայկական գյուղեր, և այստեղ էլ այն նկատելի է իբրև փոքրամասնություն: Ինչևէ, շատ հարցերի պատասխանները ստանում ենք գյուղում պահպանված հուշարձանների և մանավանդ վիմագրերի ուսումնասիրության շնորհիվ:

Գյուրդեանի պատմաճարտարապետական արժեքավոր հուշարձաններից էր Էկեղեցին (այժմ քանդված է): Ամենայն հավանականությամբ այստեղ եկեղեցի եղել է դեռևս շատ հնում, սակայն բազմիցս ենթարկվել է նորոգումների: Հայտնի է, որ 1633 թ. գյուղում կառուցվել է եկեղեցի: Դրանից

¹⁸ ՀՊԿՊԱ, ֆ. 56, ց. 1, գ. 2914, թ. 99: Ծխերի քանակին վերաբերող առաջին վկայությունները մեկի հեղինակն է Ս. Զալալյանը, սակայն նա Հնդար և Գյուրդեան գյուղերի բնակչությունը միասին է նշում, այն է՝ 180 տուն (Ս. Զալալյան, Ժանապարհորդություն ի մեզն շայաստան, ի. Բ. Տփիսիս, 1858, էջ 393), և հնարավոր չէ պարզել, թե դրանցից յուրաքանչյուրը քանի տուն ուներ: 1876 թ. Գյուրդեանն ուներ 160 տուն (ՀՊԿՊԱ, գ. 6245, թ. 7), 1903-ին՝ 300 (ՀՊԿՊԱ, գ. 10093, թ. 1,9):

¹⁹ Ս. Զալալյան, նշվ. աշխ., էջ 394: Ս. Զալալյանը նկատի ունի նաև Հնդար գյուղի բնակչությունը:

²⁰ Մ. Բարխուտարյան, Աղվանից երկիր և դրացիք, Թիֆլիս, 1893, էջ 180:

²¹ Մ. Սմբատյան, նշվ. աշխ., էջ 148:

միայն շինարարական արձանագրությամբ քարն էր պահպանվել, ագուցված նոր եկեղեցու ներսում, հարավային ավանդատան մուտքի ճակատին. ՇԻՆԵՑԱԻ ՍՈՒՐԲ ԵԿԵՂԵՑԻՍ... ՀՐԱՄԱՆԱԻ ԹՈՄԱ ՎԱՐԴԱՊԵՏԻ ԵՒ ՀԱՅՈՑ ՄՈՎՍԷՍ ԿԱԹՈՒՂԻԿՈՍԻՆ Ի ԹՎԻՆ ՌՁԲ (1633)²², 1821 թ. Գյուրջևանում հիշվում էր ս. Աստվածածին եկեղեցին²³, իսկ 1836 թ. արդեն, հին եկեղեցու տեղում կառուցվել է նոր եկեղեցի և օծվել ս. Գրիգորիսի անվամբ: Այդ առթիվ արտաքուստ եկեղեցու հարավային մուտքի դռնագլխին փորագրված է եղել. Ի ԹՎԻՆ ՀԱՅՈՑ ՌՄՁԵ (1836) ԱՄԻ ՇԻՆԵՑԱԻ Ի ԿԻՒՐՋՎԱՆՈՒ ՍՈՒՐԲ ԳՐԻԳՈՐԻՍԻ ԵԿԵՂԵՑԻՆ Ի ՀԱՄԱԳՈՒՄԱՐ ԺՈՂՈՎՐԴՈՑ, ԳՐՈՂՍ ԵՄ ՏԵՐ ՍԱՐԳԻՍ ՏԵՐ ՕԶԱՆԵԱՆ²⁴, ներկայումս հիմնահատակ ավերված եկեղեցուց ցավոք չեն մնացել նաև վերահիշյալ արձանագիր արժեքավոր քարերը: 1865 թ. Շամախու թեմի առաջնորդ Դանիել արքեպիսկոպոսը կարգադրություն էր արել Գյուրջևանի եկեղեցին պարսպապատելու և դրան կից ուսումնարան կառուցելու մասին²⁵, 1866 թ. դրությամբ խիստ քայքայված էր եկեղեցու տանիքը, որով և նախապատրաստվում էին նորոգման աշխատանքներ. «Ի կոնսիստորենիս հայսմիկ լուան զհայտարարություն երեցփոխանի սբ. Աստվածածնի եկեղեցվույն Գյուրջիվան գեղջ ընդ ստորագրությամբ քանի մի երևելի ժողովրդականաց տեղվո 2-ն այսր մայիսի (1866 թ.—Ս. Կ.), որով հայտնին սմին թէ որովհետև խեցեղինոք (քյունք) ծածկյալ տանիք եկեղեցվո յուրևանց ի պատճառ կարի հնության խարխալյալ վնասավորյալ է իսպառ հորմն և ջուրք ձյան և անձրևա միանգամայն թափանցին ի ներքս եկեղեցվո և եթե ոչ վերանորոգեսցի օր առաջ ունի հապայն վնասիլ և մեծագումար ծախսուց պետս ունիլ...»²⁶: Այդ աշխատանքները կատարելու համար էջմիածնի սինոդից խնդրվում էր թույլ տալ իրենց եկեղեցու գումարներից 150 ռուբլի ծախսել: Թույլտվությունը ստանում են, սակայն դեռ աշխատանքները կատարած, արդեն 1872 թ. գյուրջևանցիները երկար մտածելուց հետո նորից են խնդրագրով դիմում էջմիածնի սինոդին. «...բայց որովհետև մենք հետս նկատեցինք, որ քյունկը շատ շուտով փշրվում է և կարճ ժամանակի մեջ ոչնչանում... ուստի խորհրդածյալ 2 հմուտ վարպետաց բարվոք համարեցինք ամրության և ապահով պահպանության համար ծածկել եկեղեցվո տանիքը տախտակյա ծածկութիվ (թախթափուլ)...»²⁷: Այդ նորոգությունը իրականացնելու համար սինոդից խնդրում էին թույլ տալ եկեղեցու գումարներից ծախսել 400 ռուբլի: Այս խնդրանքը ևս բավարարվում է: Ուշագրավ է, որ վերը նշված փաստաթղթերում եկեղեցին կրկին հիշված է ս. Աստվածածին անունով: Արդեն 1903 թ. կրկին պահանջ էր դրացվում վերանորոգումների, ըստ որում նախատեսվում էր «...նորոգել դայն եկեղեցի ի հիմանն քարուկրով հաստատուն եղանակով և ծածկել զտանիս թիթեղոք...»²⁸: Աշխատանքների իրականացումը պահանջում էր 1800 ռուբլու ծախս:

Ինչպես վերևում տեսանք, Գյուրջևանում եկեղեցական-ծխական դպրոցի բացման մասին դեռևս 1865 թ. կարգադրություն էր արել թեմական առաջնորդ Դանիել արքեպիսկոպոսը: Սակայն, ըստ երևույթին, այդ գործը կյանքի չէ կոչվել, քանի որ դպրոցի գոյության մասին հետագա տարիներ չկանգրգրելով ոչ մի տեղեկության չենք հանդիպում: Հայտնի է, որ եկեղեցուն կից 1887 թ. բացվել էր կառավարչական (ռուսական) դպրոց²⁹: Ավելի ուշ՝

22 Մ. Բ ա ռ խ ու տ ա ռ յ ա ն ց, նշվ. աշխ., էջ 181.

23 ՀՊԿՊԱ, ֆ. 56, ց. 1, գ. 3426, թ. 35.

24 Մ. Բ ա ռ խ ու տ ա ռ յ ա ն ց, նշվ. աշխ., էջ 181: Արձանագրությունը գրի է առել նաև Քաչրերունին՝ փոքր ինչ տարբերությամբ (ՀՊԿՊԱ, ֆ. 57, ց. 1, գ. 439, թ. 41).

25 ՀՊԿՊԱ, ֆ. 56, ց. 1, գ. 4368, թ. 20.

26 ՀՊԿՊԱ, գ. 4819, թ. 1, 8.

27 Նույն տեղում.


28 ՀՊԿՊԱ, 1, գ. 10078, թ. 1.

29 ՀՊԿՊԱ, ֆ. 57, ց. 1, գ. 439, թ. 41.

1914 թ. գյուղում բացվել էր եկեղեցական-ծխական օրիորդաց դպրոց, որը ասարեկան 300 ո. նպաստ էր ստանում Բաքվի Հայոց մարդասիրական ընկերության կողմից: Նույն՝ 1914 թ., դպրոցում սովորում էին 25 աղջիկ³⁰, 1915—16 թթ. ուստարվա սկզբին դպրոց էին հաճախում 16 աղջիկ³¹, իսկ նույն թվականի հոկտեմբեր ամսին՝ 30 աշակերտուհի³², Հայտնի է, որ 1916—17 թթ. ուստարում օրիորդաց դպրոցն ունեւր 33 սանուհի³³:

Գյուրջեանի պատմական հուշարձաններից առանձնակի կարևորություն ունի գերեզմանոցը, որը տարածվում է գյուղի հյուսիսային մասում: Այստեղ պահպանվել են բազմաթիվ անտաշ սալաքարեր: Կան նաև կոփածո հնաոճ տապանաքարեր առանց արձանագրության: Մեր գտած ամենահին գերեզմանաքարը 1762 թվականի է:

ԱՅՍ է ՏԱՊ(Ա)Ն ՔՕԽԱՅ ԱԶԸՐԵԻ ՈՐԴԻ ԿԱՓԵԼ, ԹՈՒՌՍ ՇԱՅՐՈՏԱՂ, ԻԻՐ ՓԵՍԱ ՅԱԿՈՒՓ՝ Ս ԳԷՐԻՐ ԴՎԱ, Ի ԹՎԻՆ ՌՄԺԱ (1762) (նկ. 1):



Նկ. 1. Տապանաքար Գյուրջեան գյուղի գերեզմանոցում:

Սրան կից ուղղանկյունաձև մեկ այլ տապանաքարի հարավակողմին քանատող փորագրություն է:

ԱՅՍ է ՏԱՊԱՆ ԱԶԸՐԻ ՈՐԴԻ ՍԱՐԿԱՅՎԱՔ ԵՂԻԵԱՅԶԱՐ, ԻԻՐ ԿՈՂԱԿԻՑ ՍԱՆԱՄ, ԹՎ(ԻՆ) ՌՄՃԼԸ (1789):

Ուշագրավ են նաև հետևյալ տապանագրերը.

³⁰ ՀՊԿՊԱ, ֆ. 27, ց. 1, գ. 318, թ. 55: Հայտնի է, որ դպրոցի բացման առթիվ, 1914 թ. սեպտեմբերի 14-ին գյուղի տանուտեր Գրիգոր Մովսիսյանցի և 165 համագյուղացիների մասնակցությամբ ժողով է գումարվել, որն էլ որոշել է անհապաղ բանալ օրիորդաց դպրոցը (ՀՊԿՊԱ, գ. 233, թ. 2), տե՛ս նաև Ս. Կ. ԽՈՒՂՈՅԱՆ, Արևելահայ դպրոցները 1830—1920 թվականներին, Երևան, 1987, էջ 450):

³¹ ՀՊԿՊԱ, ֆ. 27, ց. 1, գ. 318, թ. 79—81:

³² Նույն տեղում:

³³ ՀՊԿՊԱ, գ. 36, թ. 31:

ԱՅՍ է ՏԱՊԱՆ ՃԱՆՇԻ ՈՐԴԻ | ԱԹԱՊԱԿ ՔՈՎԽԻ, ԹՎ(ԻՆ) ՌՄՃԽԴ (1795):

ԱՅՍ է ՏԱՊԱՆ ՇԱՄ(Ա)ԽԻ Պ|ՆԱԿԵ(Ա)Լ ՕՍՄԱՆՅԻ ԱԽԱՔԻ ՈՐԴԻ ԱՂ|Ա-ՃԱՆ, ԹՎ(ԻՆ) ՌՄԽԴ (1795):

ԱՅՍ է ՏԱՊԱՆ ԱԼԱ|ՅՎԵՐՏԻ ՈՐԴԻ ԳՐԻ|ԳՈՐԻՆ, ԹՎ(ԻՆ) ՌՄԾ (1801):

ԱՅՍ է ՏԱՊԱՆ ՇԱՄԱԽԵՑԻ ԱԽԱՔԻ ԴՈՒՍ|ՏՐ ԱՆԱ ԽԱՆՈՒՄԻՆ, ԹՎ(ԻՆ) ՌՄԾ (1808):

ԱՅՍ է ՏԱՊԱՆ Տ(Է)Ր ԱՐՐ(Ա)ՀԱՄ(ԻՆ), ԹՎ(ԻՆ) ՌՄԾԸ (1809):

ԱՅՍ է ՏԱՊԱՆ ՇԱՄԱԽԵՑԻ ՄԻՐՁԻ ՈՐԴԻ ԱՎԱԳԻՆ, ԹՎ(ԻՆ) ՌՄԿԱ (1812):

ԱՅՍ է ՏԱՊԱՆ ՊԵՏՐՈՍԻ ՈՐԴԻ ԲՐՈՒԴ | ԱՐՐ(Ա)ՀԱՄԻՆ, ՈՐ ՓՈԽԵՑԱՎ Ի ՄԱՀՎԱՆԷ | Ի ԿԵԱՆԸՍ, Տ(Է)Ր ՀԱՆԳՈՒՍՑԷ ԱՄԷՆ, ԹՎ(ԻՆ) ՌՄՀԴ (1825):

Ի դեպ, բրուտագործությունը այն արհեստներից մեկն էր, որի լավորակ արտադրանքով Գյուրջևանը հայտնի էր ողջ երկրամասում: Ժամանակակիցները նշել են, որ. «Բրուտության արվեստն այնքան ծաղկած է, որ կարասներ և խեցեղեն անոթներ է մատակարարում ամբողջ Բագվա նահանգին»³⁴: Հետաքրքրական է նաև Քաջբերունու վկայությունը. «Մի զբաղմունք ևս ունին գյուրջևանցիք, որ խիստ ջոկում է նրանց՝ ուրիշ հայ գյուղերից: Այդ կատարելագործված բրուտագործությունն է: Գյուրջևանցիք ունեն կավե ամաններ շինելու համար մինչև 15 փուռ և ավելի: Բոլոր բազմաթիվ հայ գյուղերի այգիների համար միայն նրանք են պատրաստում գինու միանման կարասներ, որ ծախվում է ամբողջ զավառում: Գյուրջևանի կավե ամանները այնքան ամուր են և բարակ, որ զանգի պես ձայն են հանում: Իրենց կավը վերցնում են եկեղեցուց քիչ ցած Իշկուն անունով տեղից»³⁵:

Ինչևէ, վերոհիշյալ տապանագրի շնորհիվ իմացվում է նաև Գյուրջևանի հռչակված բրուտագործ վարպետներից մեկի անունը (Աբրահամ), ապա նաև, որ այդ արհեստով գյուղում զբաղվում էին առնվազն XVIII դ. վերջից, XIX դ. սկզբներից (մեջբերված գրավոր հիշատակությունները վերաբերում էին XIX դ. վերջին և XX դ. սկզբներին):

Ուշագրավ է նաև Գյուրջևանի հոգևոր հովիվ Հովհան Փիլիբոսյանցի տապանագիրը.

ԱՅՍ ՏԱՊԱՆ ՀԱՆԳՍՏԵԱՆ է Տ(Է)Ր|ՅՕՀԱՆ ՔԱՀԱՆԱՅԻ ՓԻՐՎԵՐՏԵԱՆՑ³⁶, | ՈՐ ՅԸՆԹԱՅՍ 80 ԱՄԵԱՅ ՀԱՍԱԿԻ|ՍՐԲԱԿԱՅ և ՀԱՄԵՍՏԱԿԵՆՑԱՂ ԲԸ|ՆԱԻՈ-ՐՈՒԹԵԱՄԲ ՀԱՆԳԵԱԻ | Ի ՏԷՐ, Ի 13 ՍԵՊՏԵՄԲԵՐԻ 1866 ԱՄԻ, | ԱԶԳԱԿԱՆ՝ ՌՅԺԵ:

Սրա կողքին, մեկ այլ տապանաքարին փորագրված է.

ԱՅՍ է ՏԱՊԱՆ ՏԷՐ ՕՀԱՆԻ|ԿՈՂԱԿԻՑ ԱՆՆԱԻՆ, ԹՎ(ԻՆ) ՌՄՁԵ (1836):

Գերեզմանոցում, ուր այժմ էլ թաղումները շարունակվում են, լազմաթիվ են XVIII—XIX դդ. վերաբերող տապանագրերը: Դրանց մեծ մասն արդեն ծածկված է մաշառներով:

Գյուրջևանի հարավ-արևելյան կողմում, շուրջ 1,5 կմ հեռու, Սայադ լեռան հյուսիսային կողմում, Գյուրջևան-Աղսու խճուղու աջ ձգրին պահպանվում է 1908 թ. կառուցված աղբյուրի հոյակերտ համալիրը: Ճակատի սրբաբառաշ քարերից մեկի վրա փորագրված է շինարարական արձանագրությունը.

ՅԱՄԻ ՏԵԱՌՆ 1908 ՇԻՆԵՑԱԻ ԱՂԲԻՐՍ ՉԱՅՍ|ԾԱԽԻԻՔ ԳԻՐԶԻՆԱՆՑԻ ՄԱՐՏԻՐՈՍ ՎԼԱՍԵԱՆՑԻ:

34 Մ. Բ արխիտարյանց, նշվ. աշխ., 19 186—181:

35 Հովհան, ֆ. 57, ց. 1, գ. 439, թ. 40:

36 Օհան Փիլիբոսյանցը ծնվել է 1786 թ., Գյուրջևան գյուղում քահանայագործության կոչումով վավերացրելով հիշատակվում է սկսած 1833 թ. (Հովհան, ֆ. 56, ց. 1, գ. 3426, թ. 31): Հովվում էր նաև հարևան Քոչուճ գյուղին: Երբեմն նաև՝ Զարգարանին:

Արձանագրության առավել համառոտ բովանդակությունը փորագրված է նաև ուսեերեն և արաբատառ թուրքերեն լեզուներով: Հուշարձանը հայտնի է «Հաղորոթի աղբյուր» անվամբ:



Նկ. 2. Գյուրջևան գյուղի մոտ գտնվող «Հաղորոթի աղբյուրը»:

Հնդար: Գյուրջ գտնվում է Գյուրջևանից 2,5 կմ արևմուտք, Գյուրջևան-Գյուրդաշեն տանող ճանապարհի մեջտեղում: Այն բաղկացած է երեք թաղամասերից (վերին, ներքին, միջին): Հնդարի վերաբերյալ մատենագրական տվյալներ գրեթե չեն պահպանվել: Հավանաբար, XVII—XVIII դդ. վերաբերող մի հիշատակություն արձանագրել է Մ. Բարխուտարյանցը, որը նրա փոր գյուղի եկեղեցում պահվող ավետարանում կարդացել է հետևյալը. «Ստացող սուրբ ավետարանիս Շիրվանա հինդարցի Մելքումն և եղբարք Ապրիսն, Փիրպուտաղն»³⁷:

1853 թ. գյուղն ուներ 83 տուն³⁸, իսկ 1886 թ.՝ 95 տուն հայ բնակչություն³⁹: 1902 թ. գյուղում կար 106 տուն⁴⁰: Երկրամասի հայկական շատ այլ գյուղերի պես Հնդարը ևս մեծ կորուստներ է տվել 1918—1920 թթ.:

Ուսումնասիրողները նշել են, որ հնդարեցիք Շիրվան երկրի բնիկներն են⁴¹: Մ. Բարխուտարյանցը, ավելի խորանալով հարցի մեջ նշում է. «Բնիկ են ստորին և միջին թաղերի բնակիչներն, իսկ լինաց կողմից գաղթած է վերին թաղի ժողովուրդը...»⁴²: Թաղամասերից յուրաքանչյուրն ունի իր գերեզմանոցը (այդպես է եղել նաև հնում): Դրանց միջև մի հաստաբուն դավոր կաղնի ծառի մոտ գտնվում էր ս. Աստվածածին եկեղեցին (այժմ՝ ա-

³⁷ Մ. Բարխուտարյանց, Արցախ. Բաքու, 1895, էջ 244:

³⁸ ՀՊԿՊԱ, ֆ. 56, ց. 1, գ. 2914, թ. 100:

³⁹ ՀՊԿՊԱ, գ. 8162, թ. 3:

⁴⁰ ՀՊԿՊԱ, գ. 10094, թ. 1:

⁴¹ Մ. Զալալյանց, նշվ., էջ 394, Մ. Սմբատյան, նշվ., էջ 140:

⁴² Մ. Բարխուտարյանց, Աղվանից երկիր և զրացիք, էջ 181:

վերակ): Սրա շինարարական արձանագրությունը բարեբախտաբար ժամանակին գրի է առել Մ. Բարխուդարյանցը, Կիևիցին Բեկ ԱՒՇԱՌԵԱՆՅԱՆ⁴³, 1844 ՄԻԻ ՅՈՒՆԻՍԻ 7-ին ԿԱՌՈՒՑԱԻ ՍՈՒՐԲ ՏԱՃԱՐՍ ԱՅՍ ՅԱՆՈՒՆ ՍՐԲՈՒՀԻՈՅ ԱՍՏՈՒԱԾԱԾՆԱՅ Ի ՅԻՇԱՏԱԿ ՍՈՅՆ ՀՆՂԱՐ ԳԵՂՋ ՀԱՅՈՅ ՀԱՍԱՐԱԿՈՒԹԵԱՆ՝ ԱՇԽԱՏՈՒԹԵԱՄԲ ՆՈՅԻՆ, ՄԱՆԱԻԱՆԴ ՄԵՍԱԻ ԶԱՆԻԻՔ ԵՒ ԱՐԴԵԱՄԲ ԳԼԽԱՌՈՐԱՅՆ⁴⁴, Հայտնի է, որ 1858 թ. եկեղեցին ունեւ մի շարք վնասված ու քայքայված տեղեր, որի կապակցությամբ նախատեսվում էին նորոգչական աշխատանքներ⁴⁵, 1862 թ. Շամախու հայոց հոգևոր կառավարությունը՝ կոնսիստորիան, էջմիածնի սինոդին զեկուցել էր այդ աշխատանքների բահհաշոդ կատարման ու ավարտի մասին⁴⁶, 1870 թ. Հնդար գյուղի հասարակությունը դարձյալ դիմել էր հոգևոր կառավարությանը՝ եկեղեցու տանիքը նորոգելու թույլտվություն ստանալու համար⁴⁷: Նախատեսվում էր տանիքը պատիլ տախտակյա ծածկույթով: Նույն թվին ստացվել էր նորոգման թույլտվությունը⁴⁸, 1880-ական թվականների վերջերին, Մ. Բարխուդարյանցի այցելության ժամանակ, եկեղեցին «...վտանգավոր կերպիվ շարժից վնասված է»⁴⁹, Մ. Սմբատյանը նշում է, որ ինքը 1893 թ. հոկտեմբերին օժել է գյուղի նորաշեն սրբատաշ քարերով շինված եկեղեցին⁵⁰, Դրանից կարելի է եզրակացնել, որ 1890-ական թվականներին ս. Աստվածածին եկեղեցին հիմնովին նորոգվել է: Եկեղեցին այժմ գոյություն չունի, նրա տեղում միայն մի փոս է նկատվում: Ավերակի մոտ (հնում՝ եկեղեցու բակում) պահպանվում են մի քանի շիրմաքարեր, որոնք պատկանում են Հնդարի ծխատեր քահանաներին ու սրանց ընտանիքի անդամներին: Ահա դրանք.

ՅԻՇԱՏԱԿ Է ԱՅՍ ՏԱՊԱՆՍ ՀԸՆՂԱՐԵՅԻ | ՔԱՀԱՆԱՅ ՏԷՐ ՅՈՀԱՆ ՏԷՐ ՊԵՏՐՈՍԵԱՆՅԻ ԱՆՈՒԱՆԵՅԻ, | ԹՎԻՆ ՌԲՃ (1751), ԱՄԷՆ⁵¹,

ԵՍ ԵՄ ՀՈՂԱՊԱՏԵԱՆ ՇԻՐԻՄ Ե | ՏԱՄԲԱՐԱՆԻ ՆՈՐՇԻՆՈՒ ԳԱՆՈՒՍՏԻ | ԿԵՆԱԿԻՅ ԲՈՐՁԱԿ Տ(Է)Ր Ա(ՍՏՈՒԱ)ՍԱՏՈՒՐԵՆ | ԸՆԹԵՐՅՈՂԱՅԴ ՀԱՅՅԵՄ ԴԱԼ ՈՂՈՐՄԻ, ԹՎ(ԻՆ) ՌՄԼԵ (1786)⁵²,

Ի ՆԵՐՔՈՅ ՏԱՊԱՆԵՍ ԱՅՍ | ՀԱՆԳԵԱՎ ԱՌԱՔԵԼ Ք(Ա)Հ(Ա)Ն(Ա)Յ ՏԷՐ ՄԱՐՏԻՐՈՍԵԱՆՅԻ⁵³ | 66 ԱՄՈՔ ԻԻՐՈՎ 1894 թ. Ա(ՍՏՈՒԱ)Ս ՈՂՈՐՄԻ,

Ի ՆԵՐՔՈՅ ՏԱՊԱՆԵՍ ԱՅՍ | ՀԱՆԳԵԱՎ ԱՌԱՔԵԼ Ք(Ա)Հ(Ա)Ն(Ա)Յ | ՏԷՐ ՇԱՀՐԱՋ ՏԷՐ ՄԱՐՏԻՐՈՍ | ԵԱՆՅ, 1890 թ. 50 ԱՄՈՔ ԻԻՐՈՎ | ՀՆՂԱՐ ԳԻՒՂ, Ա(ՍՏՈՒԱ)Ս ՈՂՈՐՄԻ,

Հնդար գյուղի բոլոր երեք թաղերի գերեզմանոցներն էլ խիստ հետաքրքիր են: Սակայն դրանց մեջ առաջին հերթին առանձնանում է միջին թաղի գերեզմանոցը, ուր բազմաթիվ հին տապանաքարերից զատ պահպանվել են նաև երկու խաչքարեր: Վերջիններից մեկն ունի անթվակիր արձանա-

⁴³ Հայտնի է, որ նույն՝ 1844 թ., Գրիգոր-բեկ Ավշարյանցը դիմել էր հոգևոր կառավարությանը՝ իր որդուն՝ Բաղդասարին Հնդարի քահանա ձեռնադրելու խնդրանքով, նշելով, որ քահանա լուսննալու պատճառով հաճախ դիմում են հեռավոր Ղալակա գյուղ կամ Շամախի քաղաք (ՀՊԿՊԱ, ֆ. 56, ց. 1, գ. 1585, թ. 1):

⁴⁴ Մ. Բարխուդարյանց, Աղվանից երկիր և դրացիք, էջ 132:

⁴⁵ ՀՊԿՊԱ, ֆ. 56, ց. 1, գ. 3684, թ. 1:

⁴⁶ ՀՊԿՊԱ, ց. 18:

⁴⁷ ՀՊԿՊԱ, գ. 5544, թ. 1:

⁴⁸ ՀՊԿՊԱ, ց. 2:

⁴⁹ Մ. Բարխուդարյանց, Աղվանից երկիր և դրացիք, էջ 132:

⁵⁰ Մ. Սմբատյան, նշվ. աշխ., էջ 360:

⁵¹ ՀՊԿՊԱ, ֆ. 57, ց. 1, գ. 439, թ. 51: Գրի է առնված բաղամաթիվ վրիպումներով:

⁵² Նույն տեղում: Բայց են թողնված վերջին երկու տողերը: Ունի նաև այլ վրիպումներ:

⁵³ Առաքել Տեր-Մարտիրոսյանցի մասին, իրեն Հնդարի քահանա, վավերագրերում հիշատակվում կա 1890 թվից (ՀՊԿՊԱ, ֆ. 56, ց. 1, գ. 3162, թ. 3): Հայտնի է նաև, որ գյուղը 1886 թ. քահանա լուսննալ, ուրեմն Առաքելը Հնդարի հոգևոր հովիվ է կարգվել 1886—1890 թթ. միջակայքում (ՀՊԿՊԱ, ց. 9287, ց. 9—10):

գրություն: Ըստ ոճական, գեղարվեստական, գրչության առանձնահատկությունների, ինչպես նաև ուրիշ հնավայրերում պահպանված համանման խաչքարերի համեմատական ուսումնասիրության, այն կարելի է թվագրել XV—XVI դդ.՝

Ա(ՍՏՈՒԱ)Ս ՈՂՈՐ|ՄԻ ՄՈՒՍՓԱՅ|ԻՆ:

Ուշագրավ են նաև գերեզմանոցի տապանագրերը, որոնցից հենքը վերաբերում են XVIII դ. սկզբներին և փորագրված են ուղղանկյունաձև տապանաքարերի հարավահայաց երեսներին:

ԱՅՍ է ՀԱՆԳԻՍՏ Տ(Է)Ր | Ա(Ա)Հ(Ա)ԿԻ, ԹՎ(Ի)Ն ՌՃԾԱ (1702):

ԱՅՍ է Հ(Ա)ՆԳԻՍՏ Տ(Է)Ր ԱՔՐ(Ա)Հ(Ա)ՄԻ ԴՈՒՍ|ՏՐ ՆԱՐԻՆԻՆ, ՌՃԾԱ (1702):

ԱՅՍ է Հ(Ա)ՆԳ(Ի)ՍՏ Տ(Է)Ր Ս(Ա)Հ(Ա)ԿԻ ՈՐԴԻ Տ(Է)Ր ԱՔՐ(Ա)Հ(Ա)ՄԻ, | ԹՎ(Ի)Ն ՌՃԾԱ (1703): | Տ(Է)Ր ԱՔՐ(Ա)Հ(Ա)ՄԻ ԿՈՂԱԿԻՑ Շ(Ա)ՀՍՈՒԼԹԱՆ ԱՅՍ Ե(Տ)ՔԱ|ՐՍ ՇԻՆԵՑԻ, ԵՌ(5000) ԴԻԱՆ ԽԱՐՋ ԱՐԻ:

ԱՅՍ է Հ(Ա)ՆԳ(Ի)ՍՏ Տ(Է)Ր ԱՔՐ(Ա)Հ(Ա)ՄԻ ՈՐԴԻ ԲԱՐ|ԻԽԱԻՍԻՆ, ՌՃԾԳ (1704):

ԱՅՍ է ՀԱՆԳԻՍՏ...

ԱՅՍ է ՀԱՆԳԻՍՏ ԲԱՐԷ|ՊԱՇՏ ՇՐՎԱՆԻՍ, ՈՐ ԿԷՍ|ԱԻՐԷ Ք(ՐԻՍՏՈ)Ս ՓՈԽԵՑԱԻ, ՈՎ ԿԱՐԴ(ԷՔ) | ԱՂԱԻԹ|Ս ԻՇԵՑԷՔ, | ԹՎԱ|ԿԱՆԸ| ՃՂԹ (1750)⁵⁴:

Խիստ ուշագրավ են Հնդարի ներքին թաղի գերեզմանոցում պահպանված տապանաքարերը: Դրանցում կան XIV—XVI դդ. բնորոշ կենցաղային պատկերաքանդակներով գերեզմանաքարեր: Արձանագիրներից հենքը վերաբերում են XVIII դ. սկզբներին:

ԱՅՍ է ՏԱՊԱՆ ԱՐՁԻՄԱՆԻ|Ն, ԹՎ(Ի)Ն ՌՃԿՋ (1717):

ԱՅՍ է ՀԱՆԳԻՍՏ ԽԹԻԱՐԱՅ, ՈՐ ԿԷՍԱԻ|ՐԷ Ի Ք(ՐԻՍՏՈ)Ս ՓՈԽԵՑԱԻ, ՈՎ ԿԱՐԴԷՔ ԱՂ|ԱԻԹՍ| ՅԻՇԵՑ|ԷՔ:

ԱՅՍ է ՏԱՊԱՆ ԸՍՏԵՓԱՆ | ՔՕԽԻ ԿՈՂԱԿԻՑ ԱՆԹԱՌԱ|ՆԻՆ, ԹՎ(Ի)Ն ՌՄԽ (1791):

ԱՅՍ է ՏԱՊԱՆ ԸՍՏԵՓԱՆ | ՔՕԽԻ ՈՐԴԻ ԻՍՐԱԷԼԻՆ | ԹՎ(Ի)Ն ՌՄԽԸ (1799):

ՅԻՇԱՏԱԿ է ՏԱՊԱՆ ՎԸՆՂԱՐԵՑԻ ԶԱՐԿԵԱՐ | ՍՏԵՓԱՆԻ⁵⁵ ՈՐԴԻ ՅԱՐՈՒԹԻՆԻՆ ԹՎ(Ի)Ն ՌՄՀԱ (1822):

ԱՅՍ է ՏԱՊԱՆ ՄԼՔՈՒՄԻ ԿՈՂԱԿ | ԻՑ ՄԻՔԱՅԷԼԻ ԴՈՒՍՏՐ ԱՆԱ | ԽԱՆՈՒՄԻՆ, ԹՎ(Ի)Ն ՌՄՀԴ (1825):

ԱՅՍ է ՏԱՊԱՆ ՇԱՄԱԽԵՑԻ | ՍԱՐՔԻՍԻ ԿՈՂԱԳԻՑ ՀԸՌԸՄ | ՍԻՐԻՆ, ԹՎ(Ի)Ն ՌՄՀՋ (1827):

ԱՅՍ է ՏԱՊԱՆ ՄԱՐԻԱՄԱ | ԿԻՆ ՄԻՔԱՅԷԼ ՄԵՍ ԻՇԽԱՆԻ, ԹՎ(Ի)Ն ՌՄՁԵ (1836):

ԱՅՍ է ՏԱՊԱՆ ԱՂԱ ՅՈՎՀԱՆՆԻՍԻՆ | ԱՂԱ ՄԻՔԱԷԼԵԱՆ ԱԽՇԱՐՈՎԻՆ | Ի ԲՆԱԿԻՉ ՀՆՂԱՐ ԳԻԻՂԻՆ, ՓՈԽԵԱԼ | ԱՌ ՓՐԿ(Ի)Չ ՅԻՍՈՒՍԻՆ 1837 ԹՈՒԱԿԱՆԻՆ:

Վերին թաղի գերեզմանոցում հին տապանաքարեր չգտանք: Միայն մեկը, որ վերաբերում էր XVIII դ. վերջին, ուներ հետևյալ տապանագիրը.

ԱՅՍ է ՏԱՊԱՆ ԱՐԹՈՒՆԻ ՈՐԴԻ ՕՎԱՆԷՍԻՆ, ԹՎ(Ի)Ն ՌՄԽԸ (1799):

Հնդար գյուղի երեք գերեզմանոցներում էլ (չհաշված եկեղեցու մոտինը) բազմաթիվ են XIX դարին վերաբերող արձանագիր գերեզմանաքարերը: Կան նաև հին, սրբատաշ, սակայն անարձանագիր մեծաթիվ տապանաքարեր:

⁵⁴ Ակնհայտ է, որ գրիչը բաց է թողել հազարավորը՝ Ռ-ն: Պետք է լիներ ՌՃՂԹ (1750):

⁵⁵ Սրա հիշատակին Հնդար գյուղի ներքին թաղում աղբյուր է շինվել: Աղբյուրի արձանագրությունը կներկայացնենք համապատասխան տեղում:

Դեռևս 1874 թ. Հնդար գյուղում գործում էր մասնավոր կրթարտն՝ 1. ուսուցչով և 23 աշակերտով⁵⁶, սակայն այն, հավանաբար, իր գոյությունը երկար չի շարունակել, քանի որ ոչ ավելի հին և ոչ էլ ավելի նոր համապատասխան վավերագրերում այլևս չի հիշատակվում: Հայտնի է, որ 1890 թ. ծրագրվում էր գյուղի եկեղեցուն կից շինել դպրոց⁵⁷: Մեկ այլ վավերագիր հաղորդում է, որ 1893 թ. Հնդարում հիմնադրվել է դպրոց⁵⁸: Գյուղն անձամբ այցելած ու եկեղեցու մոտ տեղի ունեցած դպրոցական ժողովին (1895 թ., հուլիսի 30) մասնակցած Քաջբերունին հաղորդում է, որ Կնդարեցի դեռ նոր էին ծրագրում դպրոց հիմնել⁵⁹: Նույն՝ 1895 թ., Հնդարում հաջողվում է բաց անել եկեղեցական ծխական դպրոց, որը, սակայն, կառավարության հրամանով շուտով փակվում է Անդրկովկասի հարյուրավոր հայկական այլ դպրոցների նման⁶⁰: Շուրջ 12 տարի փակ մնալուց հետո Հնդարում նույն դպրոցը վերաբացվում է 1908 թ.⁶¹, 1912 թ. դպրոցը միղասյու էր, եռամյա: Ուներ 39 աշակերտ (3-ը՝ աղջիկ), 1 ուսուցիչ⁶²: 1914—1915 ուստարում դպրոցի շենքը բաղկացած էր մեկ սենյակից, ուներ 1 ուսուցիչ⁶³: 1915—1916 ուստարում ուներ մինչև 20 աշակերտ (ուստարվա սկզբին՝ 16 աշակերտ)⁶⁴: 1916—1917 ուստարում Հնդարի դպրոցում սովորել են 31 աշակերտ, Երից 12-ը՝ աղջիկներ⁶⁵: Ներկայումս դպրոցն ութամյա է, սակայն աշակերտների սակավաթվության պատճառով՝ փակման ենթակա:

Հնդարում ուշագրավ հուշարձաններ են աղբյուրները. որոնցից ներքին թաղի և գերեզմանատան մոտի «Նաբալի» կոչված աղբյուրների արձանագրությունները ժամանակին ընդօրինակել է Քաջբերունին: Դրանք են. ՅԻՇԱՍԱԿ և ԱՂԲԻԻՐՍ ՋԱՐԿԱՐ ՍՏԵՓԱՆԻՆ, ԹՈՒՄԱՆԻ ՈՐԴԻ ՊՕՂՈՍԻՆ⁶⁶ և մյուսը՝ ՅԻՇԱՍԱԿ և ԱՂԲԻԻՐՍ ՇԱՄԱԽՈՒԱՅ ՍԱՐԳՍԵԱՆԻՆ ԵՒ ԳՆՌՋԵ... 1846 թիի⁶⁷:

Գյուլդաշեն (Գյուլդա): Գավառի հինավուրց հայկական գյուղերից մեկն էր: Գտնվում է Հնդարից 3 կմ հյուսիս-արևմուտք, գեղատեսիլ վայրում, Գարդման (այժմ՝ Գիրդիմանչալ) գետի ձախ կողմում: Ենթադրելի է, որ գյուղի հին անվանաձևը եղել է Գարդման՝ համանուն գետի և գավառի անունով ու ժամանակի ընթացքում աղավաղվելով մեզ հասել Գիրդա կամ Գյուրդա ձևով: 1858 թ. գյուղն ուներ 14⁶⁸, իսկ 1902 թ.՝ 31 տուն⁶⁹ միայն ալ լինակ-

չություն:

Գյուլդաշենի խոր հնության վկայությունն են գերեզմանոցում (ծածկված՝ խիտ անտառով) պահպանված բազմաթիվ հնաոճ տապանաքարերը: Դրանցում կան կենցաղային թեմաներով քանդակներ ու արձանագրություններ ունեցող գերեզմանաքարեր: Վերջիններիցս միայն մեկի վիմագիրը հնարավոր եղավ վերծանել (տեղում պահպանված ևս երկու արձանագրություն խիստ հողմահարված էին):

ԹՎ(ԻՆ) ԶՂԶ (1547) | ԱՅՍ է ՀԱՆԳԻՍՏՆ ԱՂ | ԱՅ Պ(Ա)ՅԱ(Ն)ՏԻՐ ՊԱՇԽ (նկ. 3):

56 Ս. Գ. Կարապետյան, նշվ. աշխ., էջ 453:

57 ՀՊԿՊԱ, ֆ. 56, ց. 1, գ. 8865, թ. 8:

58 ՀՊԿՊԱ, ց. 3, գ. 572, թ. 6:

59 ՀՊԿՊԱ, ֆ. 57, ց. 1, գ. 439, թ. 45:

60 Ս. Գ. Կարապետյան, նշվ. աշխ., էջ 453:

61 ՀՊԿՊԱ, ֆ. 56, ց. 3, գ. 572, թ. 6:

62 ՀՊԿՊԱ, ֆ. 57, ց. 2, գ. 1921, թ. 13:

63 ՀՊԿՊԱ, ֆ. 27, ց. 1, գ. 318, թ. 26—27:

64 ՀՊԿՊԱ, թ. 79:

65 ՀՊԿՊԱ, գ. 36, թ. 31:


66 ՀՊԿՊԱ, ֆ. 57, ց. 1, գ. 439, թ. 51:

67 ՀՊԿՊԱ, թ. 52:

68 ՀՊԿՊԱ, ֆ. 56, ց. 1, գ. 3684, թ. 13:

69 ՀՊԿՊԱ, գ. 10094, թ. 1:

սկատելի է, որ գերեզմանոցում կան շատ ավելի հին տապանաքարեր, սակայն առանց արձանագրության: Ակնհայտ է նաև, որ դարերի ընթացքում այս գերեզմանոցում թաղումները չեն ընդհատվել և շարունակվում են ցայսօր՝ լլրի ստորին մասում: Այս առումով կարևոր է նաև Մ. Բարխուտարյան-ցի այն հիշատակությունը, թե Գյուրղա գյուղի «ժողովուրդն բնիկ» են⁷⁰:



Նկ. 3. Տապալաքար Գյուրղա գյուղի գերեզմանոցում:

Հայտնի է, որ 1858 թ. գյուղի հասարակությունը սեփական եկեղեցի կառուցելու թույլտվություն ստանալու խնդրանքով դիմել էր հոգևոր կառավարությանը: Նախատեսում էին շինել մի եկեղեցի, որը պիտի ունենար «13 շահի գազ» երկարություն և «9 գազ» լայնություն⁷¹: Նույն թվականին գյուրղացիները ստացել էին սեփական միջոցներով եկեղեցի կառուցելու թույլտվություն⁷²: Դեռևս 1890-ական թվականներին գյուղում հիշվում է կիսավարտ եկեղեցու շինք, որի հիմնադրումը՝ սկսված շուրջ 30 տարի առաջ, ինչ-ինչ հանգամանքների բերումով թերի էր մնացել⁷³: Մեր այցելությունից ժամանակ (1986 թ.) տեղում պարզվեց, որ այդ եկեղեցին այդպես էլ կիսատ է մնացել և կառուցումը չի ավարտվել: Ներկայումս այդ շինքն էլ գոյություն չունի:

Գյուրղաշենից 1 կմ հյուսիս կա մեկ այլ հին գերեզմանոց, ուր պահպանված տապանաքարերի մեծ մասը արդեն խրված է հողի մեջ: Հնավայրը հայտնի է «խատար» անվամբ:

Նուրշեն: Փոքր գյուղ է, Գյուրջևանից 4—5 կմ հյուսիս: Գյուղի անվան ամենահին հիշատակությանը հանդիպում ենք Հնդարի ավերակ եկեղեցու մոտի գերեզմանոցի տապանաքարերից մեկի՝ 1786 թ. արձանագրության մեջ:

Գյուղի փոքրիկ գերեզմանոցում պահպանված տապանաքարերից հները վերաբերում էին XIX դ. սկզբներին, ավելի հները անարձանագիր են:


70 Մ. Բարխուտարյանց, Աղվանից երկիր և դրացիք, էջ 183:

71 ՀՊԿՊԱ, ֆ. 56, ց. 1, գ. 3634, ք. 13:

72 ՀՊԿՊԱ, ք. 14:

73 Մ. Բարխուտարյանց, Աղվանից երկիր և դրացիք, էջ 183:

Նորշենից 1 կմ արևմուտք՝ Գյանդիսան աղբյուրից անհայտ փոքր գյուղից նույն ուղղությամբ 0,3 կմ հեռու, մացառապատ, հրվանդանաձև բլրի վրա տարածվում են հնագույն հայկական գերեզմանոցի մնացորդները: Տեղում պահպանված տապանաքարերի զգալի մասն անտաշ սալաքարեր են, իսկ փոքր մասը՝ սրբատաշ ուղղանկյունաձև տապանաքարեր: Դրանցից միայն մեկի վրա գտանք արձանագրության մնացորդ, իսկ մի քանիսին պատկերված էին նետ-աղեղ, գավազան, սափոր և այլն: Քանդակազարդված տապանաքարերի պատկերները մեծ ընդհանրություն ունեն գավառի XIV—XVI դդ. մի շարք հին գերեզմանոցներում (Ամուրավան, Ղալակա, Գիրք, Գյուրդա, Մատրասա, Սաղիան և այլն) պահպանված տապանաքարերի քանդակների հետ:



Նկ. 4. Տապանաքար Գյանդիսան գյուղի հին գերեզմանոցում:

Հայկական հին գերեզմանոց կա նաև Նորշենից շուրջ 18 կմ հյուսիս-արևելք, Քյալվա աղբյուրից անհայտ գյուղի մոտ:

Քոնիլուն (Քյովլուն): Գյուղը գտնվում է Գյուրջևանից 5—6 կմ հարավ-արևելք, Աղսու գետի աջ բարձրադիր անտառածածկ սարավանդին: 1853 թ. գյուղն ուներ 27 տուն⁷⁴: Գյուղի պատմական հուշարձաններից մեկը՝ փայտածածկ ս. Աստվածածին եկեղեցին, ներկայումս գոյություն չունի: Հարկ է նշել, որ Քոհլունի այդ եկեղեցու վերաբերյալ հիշատակություն է պահպանվել դեռևս 1838 թ.⁷⁵: Հայտնի է, որ 1878 թ. մայիսի 20-ին գյուղի հասարակությունը դիմել է հոգևոր կառավարությանը՝ արդեն քայքայված եկեղեցին նորոգելու թույլտվություն ստանալու կապակցությամբ⁷⁶: 1884 թ. Շամախու թեմի առաջնորդ Թադեոս Եպիսկոպոսը էջմիածնի սինոդին հայտնել է Քոհլունի եկեղեցին նորոգված, օծված և այնտեղ վերստին ժամերգու-

⁷⁴ ՀԳԿՊԱ, ֆ. 56, ց. 1, գ. 2914, ք. 99.

⁷⁵ ՀԳԿՊԱ, գ. 3426, ք. 31.

⁷⁶ ՀԳԿՊԱ, գ. 6978, ք. 1.

թիուն կաաարված լինելու մասին⁷⁷, 1893 թ. նույն եկեղեցին դարձյալ գտնվում էր քայքայված վիճակում: Նախատեսվում էր կատարել ծածկի թիթե-
հապատման աշխատանքներ⁷⁸: Ինչպես եկեղեցին, այնպես էլ ողջ գյուղը
ավերվել է 1918 թ.:

Քոհլուճի գերեզմանոցը գտնվում է գյուղի արևմտյան ծայրում: Տե-
ղում պահպանվել են հին տապանաքարեր, սակայն արձանագրվածները վե-
րաբերում են XII—XX դդ.: Գերեզմանատան մոտի աղբյուրը ունեցել է հե-
տևյալ արձանագրությունը. ՅԻՇԱՏԱԿ Է ԱՅՍ ԱՂԲԻԻՐ ՔԵՈՂԻԶԵՑԻ ԽՈՒ-
ԼԱՋԻ ՈՒԴԻ ԲԱԲԱ, ԱՍՐԻ, ԴԱՆԻԷԼ, ԽԱՉԱՆ, ՄԱՅՐԻ ՄԷՐ Ի 1849⁷⁹: Քաջբե-
լուսյան նշում է. «Հին ժամանակներում Քեօհլիջը նույն անունով եղել է
այստան տեղից շատ ցածր, նախկին խճուղու վերա, Քյուրտամիրի զաշտի
հյուսիսային սահմաններում, ուր երևում են ավերակները և այժմ: Տեղափո-
խությունը կատարվել է երեկ վատ կլիմայական պատճառներից»⁸⁰:

Դերեզմանատան մոտքի մոտ կառուցված է հուշարձան և հիշատակ
լեռն հայրենական: զոհված քոհլուճի ռազմիկներին:

Թալիշ: Մինչև 1918 թ. հայաբնակ գյուղ էր, ներկայումս գյուղատեղի է,
Քոհլուճից 6—7 կմ արևելք, Աղսու գետի ձախ կողմում, Քոհլուճին դեմ-
հանդիման: Թալիշ շենի հայ բնակչության չնչին մնացորդները, որ 1918—
19 թթ. կոտորածների ժամանակ բռնվել էին զանազան վայրեր, 1937 թ.
վերջնականապես հաստատվել են Զարխու (այժմ՝ Շիրվանդադե գյուղ, Շա-
մախու շրջան) գյուղում:

Արդեն ծառերով ու մացառներով ծածկված գյուղատեղիի ծայրում պահ-
պանվում են XIX—XX դդ. արձանագրություններով ավելի քան 15 տապա-
նաքար: Երբեմնի ծաղկուն ու մարդաշատ հայոց Թալիշ գյուղի տնատեղերի
զգալի մասը ևս արդեն ծածկվել է մացառներով:

ИЗ ИСТОРИИ СЕЛЕНИЙ ГАВАРА ШАМАХИ

С. Г. КАРАПЕТЯН

Резюме

Изучение сохранившихся историко-архитектурных памятников, де-
тописных и архивных данных показывает, что гавар Шамахи (Ширван)
вместе с окружающими гаварами уже в древние времена был заселен
армянами. Но в середине XVIII в. в результате насильственной мусуль-
манизации численность армянского населения резко сократилась. Еще
во второй половине XIX в. около 50 армянских селений гавара продол-
жали жить интенсивной жизнью, которые, однако, были варварски уни-
чтожены османскими и мусаватистскими ордами. Ныне лишь ничтож-
ная часть этих сел заселена армянами. В этих, а также в азербайджан-
ских селах, в которых раньше жили армяне, сохранились памятники
армянской культуры, к примеру в селениях древнего гавара Шамахи,
находящихся на территории административного района Ахсу.

⁷⁷ ՀՊԿՊԱ, ք. 3.

⁷⁸ ՀՊԿՊԱ, գ. 8916, ք. 1.

⁷⁹ ՀՊԿՊԱ, ֆ. 57, ց. 1, գ. 139, ք. 44.

⁸⁰ նույն տեղում:

FROM THE HISTORY OF ARMENIAN SETTLEMENTS IN THE
DISTRICT OF SHAMAKHI

S. G. KARAPETIAN

S u m m a r y

A study of preserved historical and architectural monuments, data of chronicles and archives shows that the district of Shamakhi and its surrounding regions were already in ancient times, inhabited by Armenians. But in the middle of the 18th century, as a result of the violence of Islam, the number of the Armenian inhabitants greatly decreased. Still in the second half of the 19th century about 50 Armenian settlements of the district continued to live an intensive life, which was, however, barbarously annihilated by the Ottoman and Musavatist hordes. At present only an insignificant part of those villages are inhabited by Armenians. In those as well as in Azerbaijani villages, where Armenians had lived before, Armenian relics of culture have been preserved. This article presents relics of Armenian settlements in the ancient district of Shamakhi on the territory of the administrative district of Akhsoo.